

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Præposito Et Canonicis sanctæ Mariæ in Vineis, Ianuensibus.

urn:nbn:de:hbz:466:1-20020

rus. Tu denique, frater Archiepiscopi, super te ipso &c. Datum Laterani vi. Idus Iunij, pontificatus nostri anno sextodecimo.

*MONACHIS CISTERCIENSIS
ordinis & Hospitalaris Quinqueclesiensis
diocesis.*

Epiſt. 85.
De immunitate
decimaru[m].

Venerabilis frater noster Quinqueclesiensis Episcopus nobis intimare curavit quod vos extenderes ad lucra turpia manus vestras, multitudinem emitis vinearum, de quibus sibi vel Ecclesie sue dioecesis decimae solvi debent; quarum vim licet nequaquam in usus proprios expendatis, sed vendendum ad alias faciatias provincias deportari, decimas tamen sibi vel ipsis Ecclesie subtrahitis ex eisdem. Cum igitur ex hoc ordini vestro plurimum detrahatur, universitati vestra per apostolica scripta mandamus quatenus ab iis de cetero taliter defūtatis quod materia scandali auferatur, & super hoc de vobis clamor ad nos ulterius non ascendat; scientes vobis esse meritò formidandum ne propter clamores hujusmodi sacrum Concilium auctore Domino in proximo celebrandum privilegia vestra coarctanda provideat vel etiam revocanda, cum privilegium mereatur amittere qui concessa sibi abutitur libertate. Datum Laterani xi. Kal. Iulij, pontificatus nostri anno decimosexto.

*PRÆPOSITO ET CANONICIS
sanctæ Marie in Vineis, Ianuenſibus.*

Epiſt. 86.
Confirmat il-
lis parochiā.
Vide iafra epif.
169.

Ivlis petentium &c. usque concurren- tes assensu, parochiam quam Ecclesia vestra noscitur obtinere, sicut eam iuste ac pacifice possidetis, & in litteris confirmationis bona memoria H. Ianuenſis Archiepiscopi pleniū continetur, vobis & per vos Ecclesie vestre auctoritate apostolica confirmamus & præsentis scripti patrocino communimus. Ad majorem autem evidentiam litteras Archiepiscopi memorati huic paginæ nostræ de verbo ad verbum duximus inserendas. IN NOMINE sanctæ & individua trinitatis patris & filii & spiritus sancti. Amen. Hugo divina dignatione Ianuenſis Archiepiscopus dilecto in Christo fratri Ottoni Præposito Ecclesie sanctæ Marie de Vineis & ejusdem Ecclesie Canonicis [dilectis] filii benedictio nem in perpetuum. Libenter modis omnibus præbemus assensum quotiens est vox justa poscentium. Proinde considerata de votione quam erga nos & Ecclesiam Ia-

nensem geris, necnon & honorificabilitudinitate Ecclesie tuae, parochiam quam Ecclesia jamdieta in præsentiarum noscitur obtinere, & a quadraginta annis possedit,

tibi & successoribus tuis confirmamus & præsentis scripti patrocino communimus.

Decernimus itaque præscriptam parochiam à Balneo Balduni Guercij inferius,

à domo Alpanum cum carubio corrigitum ex utraque parte usque ad littus maris, omnes stationes Malocelli, atque domum quondam Petri Capellani, deinde littus maris continuè usque ad carubium Sardenarum, & ipsum carubium totum,

& inde usque ad domum quondam Embornis, insuper à domo piperum cum domo Benedicti Larabiæ inferius, populus vero de super via à domo piperum usque ad domum Donati pictoris de Castellero, & in de usque ad domum Guillelmi de Litero inferius cum tota domo Ribaldi de Pinaca & eorum qui habitant in insula filiorum de infantibus, cum toto locali & parte Mortedi, & cum vertigine campi Liberi usque ad domum filiorum Donati quoniam patris Oliverij septem lingue, cum eadem. Iterum domum Iohannis Loripidis, & ipsum carubium inferius ex utraque parte à domo Guillelmi Sagonen, unde inferius. Præterea à domo quondam Rainaldi Auriae totum inferius cum eadem domo. Tandem carubium totum de Reftatis à domo Nebularij inferius, & omnes qui habitant infra prædictos fines, parochianos sanctæ Marie de Vineis de cetero firmiter decernimus. Nulli ergo omnino liqueat hanc parochiam invadere ac temere perturbare, seu oratorium aliquod infra præscriptam parochiam edificare. Ut autem cunctis haec confirmatio liqueat, eam scribi fecimus & nostro sigillo muniri mandavimus, anno millesimo centesimo octogesimo vii. Indictione quinta, viii. Kalend. Decembris. Ego Hugo Ianuenſis Archiepiscopus subscripti.] Nulli ergo &c. usque incurfurum. Datum Laterani xiiii. Kal. Iulij, pontificatus nostri anno sextodecimo.

*PETRO ILLVSTRI REGI
Aragonensem.*

IN privilegio felicis recordationis Vrbani Papæ II. predecessoris nostri de verbo ad verbum perspeximus contineri, Epiſt. 81.
Confirmat pri-
vilegium ab
Urbano II.
V R B A N V S Episcopus servus servorum Dei carissimo filio Petro Pamilonensium & Aragonensem Regi ejusque successoribus in eadem beati Petri fidelitate per-